



UPA 2019/125

10. April 2019

Atassut

Aqqaluk Heilmann

Kræftimik nappaateqarnerup paasineqarnerata kingorna ullut 28-t qaangiutsinnagit kræfteqartut katsorsarneqarnissamut tamarmik pilersaarusiunneqartarnissaat qanoq qulakkeerneqarsinnaanersoq kingusinnerpaamik ulloq 1. november 2019-mi qulaajaqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Tamatumani nunatsinni kræfteqarlutik toqusartut ikilisinneqarnissaannik anguniagaqarnerup anguneqarnissaa siunertarineqarluni.

(Inatsisartuni Ilaasortat, Stine Egede aamma Sofia Geisler Inuit Ataqaigiit

Atassummiit siunnersuuteqartumut qujavugut.

Atassummiit pingaartitarivarput tamatta peqqinnartumik oqitsumillu inuuneqarnissarput.

Pisortanit ingerlatsiviinillu kiffartuunneqarnissarput pitsaasumik aamma tamatta pisariaqartittarparput.

Nappaassuaq Kræft inunnut inuiaqatigiinnullu annertuumik eqquisuuvoq, ilaqtariit aammalumni inuiaqataasugut tamatta eqqorneqartarpugut ilisirisimasagut qanigisagullu nappaammit eqqorneqarsimatillugit.

Taamaattumik ajornangippat inuk taama nappaateqalersimanera nakorsanit uppersitinneqarsimatillugu pingaaruteqarpoq sapinngisamik ikiuineq aallartikkasuarneqartarnissaa, tassami kræft-i timimut siammaatipallassinnaasarnera oqaatigineqartarmat.

Atassummiit ilanngullugu oqaatingerusupparput, inuit pasitsaassaqarsimatillutik sukumiisumik miosissortinnissaminnut kissaateqartartut aamma taakkua ajunngitsumik peqqinnissaqarfiup iluani kiffartuunneqartarnissaat pillugu iliuseqarsinnaanissamut tunngavissiisariaqaralaratta.

Ilaatigut inuk nakorsiaqattaaraluarluni kingusinaarullugu paasineqarsinnaasarmat nappaammik tassangga eqqorneqarsimasut.

Siunnersuut taperserparput nunami maani nappaassuaq taanna tamatta akiorniarsarigatsigu sakkugisinnaasagut tamaasa atorlutigit.

Sukumiisumik eqqartoqqinneqarnissaa periarfissikkumallutigu ataatsimiititaliamuty ingerlatinneqarnissaa siunnersuut innersuussutigivarput.